

港東港西

梁天琦屈完記者再扮受害者

「本土民主前線」梁天琦奢華生活同幕後金主嘅真面目，相信讀者近日睇過《大公報》都知多咗唔少，但佢日前接受某傳媒訪問提到我哋記者早前追訪嘅經過，就明顯同事實不符囉，鄭晴都想嘅度澄清返，以正視聽。

首先呢，我哋根本就無好似佢講到「跟蹤我家人，知道他們去過哪裏，做過什麼事，又知道我的親戚住在哪裏……都是以我家人作為威脅對象」咁樣，咁之前梁天琦透露全部家人已移民，我哋本住求真精神發掘真相，再

向當事人提問求證，本身係傳媒應有之義，整個提問係基於新聞事實，網上有片為證！

報道針對梁天琦嘅誠信

我哋想強調返，成件事都係圍繞梁天琦作為一個政治人物嘅誠信何在，對於唔係公眾人物嘅梁爸爸亦都無公開佢嘅全名。再者，唔該搞清楚先後次序！係我哋收到風話梁天琦搬去月租兩萬起嘅太古豪宅康蘭居在先，至派同事去追蹤，並唔係佢講到好似被傳媒追訪至被迫搬屋囉！咁



▲本報早前報道雙失梁天琦竟然可豪住康蘭居

識攞大眼講大話，屈完記者再將自己包裝成受害者，難怪連鬧佢做「政棍」嘅黃毓民都要甘拜下風。

仲有，梁天琦嘅訪問入面話會「退居幕後」為游蕩頑同梁頌恆提供論述，但又話議會內受結構所限，可以做的很少，咁當初又點解係都要參選？講到尾咪又係為咗16萬收入，就正如梁爸爸早前所講，「入立會一個月16萬，若做到議員好過當差！」真係「知子莫如父」！不過經一事長一智，梁天琦自認「能力未到」或會進修，都總算有啲自知之明。

▲梁天琦攞大眼講大話，屈完記者再將自己包裝成受害者



▲Holden 笑住咁話，聽過有人形容佢係「師奶殺手」



更多內容歡迎掃描二維碼，瀏覽大公網「港東港西」專題

浩鼎師奶殺手 第一「受害人」周師奶

本身係律師嘅民建聯候任立法會議員周浩鼎（Holden），早前接受網站「港人講地」專訪。Holden 笑住咁話，聽過有人形容佢係「師奶殺手」，亦有媒體統計過，話自己有唔少支持者都係家庭主婦。佢話好感謝市民嘅支持，「至於觀靚仔就見仁見智啦，哈哈。」不過講到最支持佢嘅「師奶」，就應該非Holden 嘅太太莫屬喇。

訪問期間，Holden 一講到太太就滔滔不絕，話對方畀佢好大嘅鼓勵、信心同支持。原來，周太太曾經話過Holden 如果繼續執業做律師，都可以闖出屬於自己嘅一片天地，擔心佢從政辛苦，需要承受多一重公眾壓力。Holden 就話，自己係因為相信一啲政治理念而選擇從政，而佢亦都好多謝太太能夠體諒佢嘅工作。

Holden 又話，自己嘅偶像係前美國總統里根，因為對方擅於溝通，能夠有效將自己嘅想法表



▲Holden 一講到太太就滔滔不絕，話對方畀佢好大支持

達畀群眾，而佢任內亦都運用自己個溝通能力，化解咗好多問題同危機。自己作為議會「新丁」，都希望能夠學習到佢呢種優點，然後帶入議會。



▶梁美芬最近出咗本新書，打算下周三搞發布會

美芬十年心血再出書講基本法

經民聯立法會議員、執業大律師梁美芬最近又出咗本新書，書名叫《香港基本法：從理論到實踐》，仲打算下周三搞發布會，分享下佢見證基本法由協商、起草到頒布嘅歷史過程。

美芬同鄭晴講，呢本書花咗佢近十年嘅心血，但第一本有關基本法的著作係2007年用英文出版，當佢送畀恩師、原基本法起草委許崇德教授時，對方非常讚賞，並鼓勵佢寫中文書。但令人好可惜嘅係，前年美芬恩師逝世時，呢本中文書嘅最後兩章仲未完

成。美芬又話，作為唯一一個到北京師範大學教授嘅香港學生，覺得好驕傲，希望用呢本書報答佢多年嘅鼓勵同訓練。

美芬呢本新書又獲得另一基本法草委廉希聖教授寫序推介，廉老就大讚呢本書好詳盡咁分析回歸以來香港法院有關基本法嘅重大判決，又提出香港嘅普通法應該點樣同中國法更好咁發揮協同效應，連佢都深受啟發。

鄭晴就覺得，美芬好應該將本書送畀一啲立法會「新丁」議員，等佢哋都可以惡補下基本法。



▲民記前兩日拉大隊去會展睇「創科博覽2016」

民記新片同大家睇真啲創科博覽

現今科技日新月異，中國的創科技術更加可謂突飛猛進，之但係各位讀者究竟識幾多呢？民建聯尋日出咗條新片，訪問咗幾位市民「蛟龍號」係乜，中國航天飛船又叫咩名？之不過，好多人都似乎講唔出啲名，仲要將神舟一號飛船變咗「嫦娥」添！鄭晴都忍唔住講句，中秋節過咗喇，「嫦娥」係衛星唔係飛船呀。但係唔識都唔緊要，民記就建議你去「創科博覽2016」補補腦，增廣見聞。

原來，民記前兩日拉大隊去會展睇「創科博覽2016」，睇晒八個展區聽埋專家詳細解釋各項頂尖科技。民建聯主席李慧琼（Starry）話，六十幾

樣展品之中三十三樣都係真嘢，至鍾意就係做微创手術個機械人，覺得佢好有建設性，因為用機械做手術可以減低傷口擴大嘅機會，令病人無咁痛苦。

民建聯副主席周浩鼎（Holden）就話，見到好多學生參觀科技博覽就覺得好興奮，佢話，因為好多年輕人都對國家嘅科技唔太了解，希望呢個博覽會可以勾起佢哋對創科嘅興趣，令將來香港國際國家創科發展上佔一席位。喺咪話鄭晴唔提醒你，查實創科博覽只係得返今明兩日，頭先答唔到問題嘅人記得好快啲去惡補下啦！

新居屋售出八成單位

【大公報訊】房屋委員會與房屋協會今期居屋合作推售的3684個單位，開售逾兩個月，截至昨日售出約八成單位共2958伙，全部綠表家庭申請者買家均已獲選揀樓，累積共1047個單位是賣給綠表家庭，佔整體單位約28%，房委會今日起只邀請白表買家揀樓，直至家庭配額用盡。

房委會昨日邀請了341人揀樓，91人出席，出席率不足三成，單日售出59伙，包括34個房委會屏欣苑單位及25個房協綠怡雅苑單位。

今期資助出售房屋七月底開售，本預

期可於九月內完成揀樓，但銷情遜預期，至今僅售出約八成單位，尚餘726伙，包括632個天水圍屏欣苑單位、95個沙田綠怡雅苑單位。已售出的單位中，綠白表買家約為35：65。根據相關銷售安排，今次綠表及白申請者的配額比率為50：50，如其中一方的配額尚未用盡，剩餘的配額會撥給另一方的申請者。由於今期居屋預留了200個單身配額，換言之，可供白表家庭選購的單位數目仍有逾500個，但資料顯示，剩餘單位幾乎都是面積小於400平方呎的細單位。

前，有關業權人已自行糾正違契用途，另有19宗個案須繼續調查。

地政總署發言人表示，27宗已發出警告信的個案，當中26宗的警告期已屆滿，其中24宗在警告期屆滿前已完成糾正；餘下兩宗則在署方完成重收該違契單位的手續之前向署方證明已完成糾正工作，因此署方無需繼續採取重收行動。署方認為，糾正數字顯示，在採取以風險為本的執管行動後，工廈單位業權人普遍認真看待該署的警告信行動。

發言人續指，對於那些已糾正違契用途的個案，分區地政處會作突擊巡查，對重複違反的個案採取迅速並果斷的執管行動，即時啟動程序重收該違契單位，而不再另行警告或通知。

曉明街公屋修訂未獲觀塘區會支持

【大公報訊】記者曾敏捷報道：房屋署就曉明街公屋項目優化方案諮詢觀塘區議會，爭取地區支持，惟多名議員不滿當局未有解決交通問題，要求房屋署擬備更詳盡方案後再提交區議會討論。房署承認，項目預計可提供1080個單位的建屋目標或會有變動，但承諾會就計劃再諮詢區議會房屋事務委員會。

觀塘區議會交通及運輸委員會昨日開會討論曉明街公屋發展計劃，多名議員質疑，項目設計優化後仍無理順屋邨接駁至觀塘地鐵站的行人連接系統，故對項目有保留。候任立法會議員兼觀塘區議員柯創盛批評，當局不斷在區內加建公屋，但文件並無詳細交代交通影響評估，議員若盲目支持項目是不負責任。區議員譚肇卓則關注，項目由擬議的一座公屋大廈變成兩座，可提供單位由1100個減為1080個，可住人口反而增至3030人，並認為議題涉及

公屋設計修訂，不應在交通及運輸委員會討論。

單位數目或有變動

房屋署高級建築師蔡詩敏指，觀塘區議會在2014年已通過支持項目發展，整個項目發展參數不變，但因應地區意見優化設計，大廈一變二是有助改善通風及減少對周邊學校的影響。由於地盤位處山坡，地界問題仍在與其他部門商議中，影響可建樓面，故最終單位數目可能仍有變動。

房屋署高級土木工程師李潤祥稱，觀塘安達臣道至港鐵站有多層平台，連結山上至港鐵站的接駁行人通道正在陸續規劃及興建，可望疏導人潮。交通評估顯示，擬議項目落成後，附近的曉光街早上繁忙時間每小時增加127架次小型車輛，料可應付有關增長。

昨日會上並討論觀塘商貿區的行人環



▲房屋署就曉明街公屋項目優化方案諮詢觀塘區議會

境改善計劃，議員普遍認同起動九龍東辦事處提交的建議方案，包括通過擴闊行人路、興建接駁行人隧道或天橋、提升後巷環境等，優化區內行人環境及道路網絡。不過，有議員關注擴闊行人路等建議會否對行車造成不便，加劇區內交通問題。

今日天氣預報 >>>

最高28°C 最低23°C 大致多雲

中國									亞太						歐洲						美洲					
預測 最低 最高				預測 最低 最高				預測 最低 最高				預測 最低 最高				預測 最低 最高				預測 最低 最高						
澳 門	多雲	23	28	上 海	驟雨	23	29	成 都	多雲	19	27	首 爾	多雲	17	25	倫 敦	多雲	17	19	洛杉磯	天晴	22	31			
廣 州	驟雨	19	26	杭 州	驟雨	20	29	西 安	多雲	15	25	東 京	多雲	20	26	巴 黎	密雲	14	23	三藩市	有霧	13	17			
北 京	天晴	12	24	福 州	多雲	25	31	昆 明	驟雨	16	23	馬尼拉	有雨	25	31	達蘭克洛	多雲	13	24	紐 約	毛毛雨	14	18			
天 津	多雲	14	26	海 口	多雲	25	30	拉 薩	多雲	8	19	曼 谷	雷暴	25	33	馬德里	天晴	13	25	西雅圖	多雲	11	18			
濟 南	天晴	12	26	台 北	有雨	25	31	呼和浩特	有雨	8	23	新加坡	雷暴	25	34	羅 馬	天晴	13	24	溫哥華	天晴	9	17			
南 京	有雨	18	22	重 慶	多雲	20	28	烏魯木齊	天晴	13	26	悉 尼	驟雨	12	18	蘇黎世	多雲	9	22	多倫多	驟雨	15	17			